

Wojerowska župa namjet zapodała

Wojerecy (SN). Župa „Handrij Zejler“ Wojerecy namjetuje Alexandera Pólka jako kandidata za wólby Rady za serbske naležnosće w Sakskej krajnej sejmje. Wo tym je dženša Wojerowski župan Marcel Brauman zjawnosć informował.

Swój namjet wobkruća župa z tym, zo so studowany stawiznar Pólk „na wšelake wašnje w serbskim towaršnostnym žiwjenju angažuje“. Nimo skutkowanja jako organist naliča župan Brauman sobudžělo Pólka we Wojerowskim klubje młodych Serbow a dalši čestnohamtski angažement. „Wón je kruće w serbskich tradicijach zakótwjeny a pyta zdobom za nowymi pućemi do přichoda“, rěka we wobkrućenju. „Alexander Pólk je poły elana a čerstwych mocow zajimy serbskeho ludu napřečo sakskej parlamentej z krutym rjapom a ze swojim přecelnym, zdwórliwym wašnjom zastupować“. Zdobom skedźbnja župa na to, zo twori namjetowany nowe rěčne rupy „w geografisce srjedźnej Łužicy“ a so sylnje politisce zasadža, mjez druhim za Serbski sejm. „Smy přeswědčeni, zo Alexander Pólk w serbskej radže zajimy wšěch Serbow derje zastupuje.“